

ურთიერთგაგების მემორანდუმი

დადებული

საქართველოს მთავრობას

სს „ელექტროენერგეტიკული სისტემის კომერციულ ოპერატორს“

და

შპს „ALTER ENERGY“-ს

შორის

თბილისი

2012 წელი

წარმოდგენილი ურთიერთგაგების მემორანდუმი (შემდგომში „მემორანდუმი“) დადებულია 2012 წლის 27 აგვისტოს („მალაში შესვლის თარიღი“)

ერთის მხრივ, საქართველოს მთავრობა (შემდგომში „მთავრობა“), წარმოდგენილი საქართველოს ენერგეტიკისა და ბუნებრივი რესურსების მინისტრის ვახტანგ ბალავაძის მიერ,

მეორეს მხრივ, სს „ელექტროენერგეტიკული სისტემის კომერციული ოპერატორი“, რომლის იურიდიული მისამართია ქ.თბილისი, ბარათაშვილის ქ.#2 (შემდგომში „ესკო“), წარმოდგენილი გენერალური დირექტორის ირინა მილორავას სახით

და

შპს „ALTER ENERGY“, რომლის იურიდიული მისამართია ქ.ბათუმი, ქუთაისის ქ#12/14 (შემდგომში „კომპანია“), წარმოდგენილი დირექტორის, რამაზ ქათამაძის სახით

დებენ წინამდებარე ურთიერთგაგების მემორანდუმს შემდეგზე:

1. მიზანი

ურთიერთგაგების მემორანდუმის მიზანი არის მხარეთა თანამშრომლობა, რათა ჩამოაყალიბდეს მათ შორის შეთანხმების მთავარი საფუძვლები და დეტალურად დადგინდეს მხარეებს შორის საქმიანი კავშირის ვადები და პირობები.

2. ურთიერთგაგების მემორანდუმის მოქმედების სფერო

2.1. კომპანია უზრუნველყოფს პროექტის განხორციელებას, რომელიც მოიცავს წინამდებარე მემორანდუმის დანართით გათვალისწინებული ჰიდროელექტროსადგურების მშენებლობას, ოპერირებას და ფლობას (ექსპლუატაციას) (შემდგომში „პროექტი“) საქართველოს ტერიტორიაზე.

2.2. წინამდებარე მემორანდუმის დანართში მოცემულია კომპანიის მიერ ასაშენებელი ჰიდროელექტროსადგურები (შემდგომში „ობიექტები“). მათ შორის, შემდეგი ინფორმაცია:


ა) ადგილმდებარეობა;

ბ) სიმძლავრე;

გ) განსახორციელებელი ინვესტიციის სავარაუდო მოცულობა;

დ) მშენებლობის ნებართვის მიღების, მშენებლობის დაწყებისა და ექსპლუატაციაში გაშვების ვადა;

ე) წლიური გამომუშავების ოდენობა.



2.3. კომპანია უფლებამოსილია მთავრობასთან წინასწარი შეთანხმებით წინამდებარე მემორანდუმით გათვალისწინებული მისი უფლებები და/ან ვალდებულებები მთლიანად ან ნაწილობრივ გადასცეს სხვა პირს.

3. მხარეთა უფლებები და ვალდებულებები

3.1. პროექტის განხორციელების მიზნით, წინამდებარე მემორანდუმით და საქართველოს კანონმდებლობით დადგენილი წესით, კომპანია:

ა) უზრუნველყოფს ყველა საჭირო ტექნიკური, ეკონომიკური და იურიდიული საკითხების შესწავლას, ექსპერტიზასა და ანალიზს;

ბ) უზრუნველყოფს მის მიერ შემუშავებულ ტექნიკურ, ეკონომიკურ და იურიდიულ საკითხებზე ანგარიშების მთავრობისათვის მიწოდებას;

გ) უზრუნველყოფს საჭირო ინვესტიციების განხორციელებას, სავარაუდოდ ჯამში 2, 600 000.00 (ორი მილიონ ექვსასი ათასი) აშშ დოლარის ოდენობით;

დ) უზრუნველყოფს დანართში მოცემული ჰიდროელექტროსადგურების მშენებლობას, ოპერირებას და ფლობას (ექსპლუატაციას) განსაზღვრული ვადების სრული დაცვით. მათ შორის, საამისოდ საჭირო საქართველოს კანონმდებლობით გათვალისწინებული ლიცენზიებისა და ნებართვების მოპოვებას;

ე) პერიოდულად – ყოველკვარტალურად – წარუდგენს მთავრობას სრულ ინფორმაციას პროექტის მიმდინარეობის შესახებ;

3.2. კომპანია იღებს ვალდებულებას, რომ პროექტის განხორციელებას იგი უზრუნველყოფს დანართში მოცემული ობიექტებისათვის განსაზღვრული ტექნიკური, ეკონომიკური, ფინანსური, იურიდიული და სხვა პირობების სრული დაცვით.

3.3. ქვეყნის ელექტრომომარაგების უზრუნველყოფის მიზნით, კომპანიის მიერ წინამდებარე მემორანდუმის ფარგლებში აშენებული თითოეული ჰიდროელექტროსადგურის ექსპლუატაციაში გაშვებიდან 10 წლის განმავლობაში, თითოეული წლის ზამთრის პერიოდში, კერძოდ დეკემბერში, იანვარში და თებერვალში ელექტროსადგურების მიერ გამომუშავებული ელექტროენერგიის სრული ოდენობის რეალიზაცია (ელექტროენერგიის ბალანსის შესაბამისად) განხორციელდება მხოლოდ საქართველოს შიდა მოხმარების უზრუნველსაყოფად, რაც აისახება შესაბამისი წლის ელექტროენერგიის (სიმძლავრის) ბალანსში, ან სხვა ანალოგიური ხასიათის დოკუმენტში.

3.4 3.3. პუნქტის მიზნისთვის, ელექტროსადგურების ექსპლუატაციაში გაშვებიდან 10 წლის განმავლობაში, ელექტროსადგურებისათვის თითოეული წლის ზამთრის პერიოდში 3.3. პუნქტში მითითებული 3 თვის განმავლობაში ელექტროენერგიის რეალიზაცია, შესაბამისი პირის არჩევანით, განხორციელდება საქართველოში არსებულ ნებისმიერ მყიდველზე თავისუფალი (დერეგულირებული) ტარიფით, ან/და ელექტროენერგეტიკული სისტემის კომერციულ ოპერატორთან (ესკო) წინასწარ გაფორმებული გარანტირებული შესყიდვის ხელშეკრულები, რომელშიც ტარიფი განისაზღვრება 4,4 აშშ ცენტის ოდენობით ერთ კვტ./სთ-ზე;

3.5 წინამდებარე მემორანდუმის 3.3 და 3.4 პუნქტებში აღნიშნულ პერიოდში კომპანიის მიერ ობიექტებზე გამომუშავებული ელექტროენერგია არ იქნება დისპეტჩირებული ექსპორტზე და რეალიზებული იქნება 3.4 პუნქტის შესაბამისად, ხოლო წლის სხვა დანარჩენ პერიოდში კომპანია

თავისუფალია როგორც ბაზრის (ადგილობრივი/ექსპორტი), ასევე ელექტროენერგიის მყიდველის არჩევაში და გასაყიდი ელექტროენერგიის ფასის განსაზღვრაში.

3.6 კომპანიის მიერ, ობიექტების მშენებლობისა და ექსპლუატაციაში გაშვების უზრუნველსაყოფად, მთავრობაზე გადაცემულია ორი საბანკო გარანტია, კურძოდ, 306 000 აშშ დოლარის ოდენობით ოქროპილაურის ჰესისთვის და 306 000 აშშ დოლარის ოდენობით გოგინაურის ჰესისთვის, ჯამში 612 000 (ექვსას თორმეტი ათასი) აშშ დოლარის ოდენობით, (ასლები თან ერთვის):

3.6.1. მთავრობა უფლებამოსილი იქნება გამოიყენოს კომპანიის მიერ წარმოდგენილი საბანკო გარანტია, მოითხოვოს და მიიღოს გარანტიით გათვალისწინებული თანხა შემდეგ შემთხვევებში:

ა) კომპანიის მიერ, შესაბამისი ობიექტის მშენებლობის ნებართვის მიღების, მშენებლობის დაწყების, დამთავრების ან ობიექტის ექსპლუატაციაში გაშვების ვადების დარღვევის/გადაცდენის შემთხვევაში;

ბ) კომპანიის მიერ, შესაბამისი ობიექტისათვის წინამდებარე მემორანდუმით ან მისი დანართით გათვალისწინებული სხვა პირობების დაუცველობის შემთხვევაში.

3.6.2. კომპანიის მიერ მთავრობისათვის გადაცემული ბანკის მიერ გაცემული საბანკო გარანტიების მოქმედების ვადა განსაზღვრება 2015 წლის 1 იანვრამდე. იმ შემთხვევაში, თუ მსარეებისგან დამოუკიდებელი მიზეზების გამო გადაიწია (გაგრძელდა) ამ მემორანდუმით გათვალისწინებული, რომელიმე ობიექტის ექსპლუატაციაში გაშვების ვადამ, მთავრობა უფლებამოსილია მოსთხოვოს კომპანიას წარმოდგენილი საბანკო გარანტიის მოქმედების ვადის გაგრძელება ან იმავე პირობებით ახალი საბანკო გარანტიის წარმოდგენა. კომპანიის მიერ ასეთი მოთხოვნის მთავრობის მიერ განსაზღვრულ ვადაში დაუკმაყოფილებლობის შემთხვევაში, მთავრობა უფლებამოსილია მოსთხოვოს გარანტიების გამცემ ბანკს იმ დროს მოქმედი საბანკო გარანტიით გათვალისწინებული თანხა.

3.7. მთავრობა 3.6.1 ან 3.6.2 პუნქტის შესაბამისად საბანკო გარანტიის გამოთხოვის შემდგომ კომპანიასთან შეთანხმებით განსაზღვრავს შესაბამის ობიექტზე მშენებლობის ნებართვის მიღების, მშენებლობის დაწყების/დამთავრების და ობიექტის ექსპლუატაციაში გაშვების ახალ ვადებს. ასეთ შემთხვევაში კომპანიის მიერ, მთავრობის მოთხოვნიდან 10 სამუშაო დღის განმავლობაში წარმოდგენილი უნდა იქნას ახალი საბანკო გარანტია 3.6. პუნქტში მოცემული თანხის ოდენობაზე. მთავრობა უფლებამოსილია გამოიყენოს ახალი საბანკო გარანტია 3.6.1 პუნქტის შესაბამისად, კომპანიასთან შეთანხმებული ობიექტზე მშენებლობის ნებართვის მიღების, მშენებლობის დაწყების/დამთავრების და ობიექტის ექსპლუატაციაში გაშვების ახალ ვადების მიხედვით. კომპანიასთან ამ პუნქტის შესაბამისად, ობიექტზე მშენებლობის ნებართვის მიღების, მშენებლობის დაწყების/დამთავრების და ობიექტის ექსპლუატაციაში გაშვების ახალ ვადებზე შეუთანხმებლობის ან კომპანიის მიერ ახალი საბანკო გარანტიის წარმოუდგენლობის შემთხვევაში მთავრობა უფლებამოსილია იმოქმედოს 3.8. პუნქტით.

3.8 3.7 პუნქტის შესაბამისად ახალ ვადებზე შეუთანხმებლობის ან კომპანიის მიერ 3.7. პუნქტის შესაბამისად განსაზღვრული მშენებლობის ნებართვის მიღების, მშენებლობის დაწყების, დამთავრების ან ობიექტის ექსპლუატაციაში გაშვების ახალი ვადების დარღვევის/გადაცდენის შემთხვევაში, მთავრობა უფლებამოსილია შესაბამისი ობიექტის ნაწილში წერილობითი შეტყობინების მეშვეობით, ცალმხრივად, შეწყვიტოს წინამდებარე მემორანდუმის მოქმედება, რაც განაპირობებს:

ა) შესაბამისი (კომპანიისათვის გადაცემული) მიწის ნაკვეთის თავდაპირველი მესაკუთრისათვის დაბრუნებას ყოველგვარი ანაზღაურების გარეშე, იმ შემთხვევაში თუ თავდაპირველი მესაკუთრე არის სახელმწიფო ან ადგილობრივი თვითმმართველობა;

ბ) კომპანიისათვის პროექტის შესაბამისი ნაწილის განხორციელების უფლების ჩამორთმევას.

3.9. კომპანიის მიერ 3.6.2 პუნქტის დაუცველობის შემთხვევაში მთავრობა უფლებამოსილია შესაბამისი ობიექტის ნაწილში წერილობითი შეტყობინების მეშვეობით, ცალმხრივად შეწყვიტოს წინამდებარე მემორანდუმის მოქმედება რაც განაპირობებს:

ა) შესაბამისი (კომპანიისათვის გადაცემული) მიწის ნაკვეთის თავდაპირველი მესაკუთრისათვის დაბრუნებას ყოველგვარი ანაზღაურების გარეშე, იმ შემთხვევაში თუ თავდაპირველი მესაკუთრე არის სახელმწიფო ან ადგილობრივი თვითმმართველობა;

ბ) კომპანიისათვის პროექტის შესაბამისი ნაწილის განხორციელების უფლების ჩამორთმევას.

3.10. საქართველოს მთავრობის ვალდებულებები

ა) მთავრობა, თავისი კომპეტენციის ფარგლებში კომპანიის მოთხოვნის შემთხვევაში, უზრუნველყოფს სათანადო დახმარებას ამ უკანასკნელის მიერ პროექტის განხორციელებისათვის საჭირო დოკუმენტაციისა და ინფორმაციის მოპოვებაში;

ბ) მთავრობა, საქართველოს კანონმდებლობით დადგენილი წესით, თავისი კომპეტენციის ფარგლებში ყველანაირად შეუწყობს ხელს კომპანიას, პროექტის განხორციელებაში, რაც შეიძლება დაკავშირებული იყოს სათანადო ნებართვების, ლიცენზიებისა და საჭირო მიწის ნაკვეთის მისთვის გადაცემასთან.

3.11. ელექტროენერგეტიკული სისტემის კომერციული ოპერატორი (ესკო) იღებს ვალდებულებას კომპანიის მიერ შესაბამისი გადაწყვეტილების მიღების შემთხვევაში შეისყიდოს წინამდებარე მემორანდუმის ფარგლებში აშენებული ჰიდროელექტროსადგურების ექსპლუატაციაში გაშვებიდან 10 წლის განმავლობაში, თითოეული წლის ზამთრის პერიოდში, კერძოდ 3.3. პუნქტში მითითებული თითოეული წლის 3 თვის განმავლობაში ჰიდროელექტროსადგურების მიერ გამომუშავებული ელექტროენერგია წინასწარ გაფორმებული გარანტირებული შესყიდვის ხელშეკრულებით, რომელშიც ტარიფი განისაზღვრება 4,4 აშშ ცენტის ოდენობით ერთ კვტ./სთ-ზე;

3.12. იმ შემთხვევაში, თუ კომპანიამ დაიწყო ელექტროსადგურის მშენებლობა და ჯეროვნად ასრულებს მემორანდუმით ნაკისრ ვალდებულებებს, საქართველოს მთავრობასთან შეთანხმებით შესაძლებელია განხორციელდეს 3.6. პუნქტის შესაბამისად წარმოდგენილი შესაბამისი საბანკო გარანტიის შემცირება.

3.13. ურთიერთგაგების მემორანდუმის 3.6. და 3.8. პუნქტები არ მოქმედებს, თუ კომპანიის მხრიდან ვალდებულების შეუსრულებლობა განპირობებულია წინამდებარე მემორანდუმის 6.1. პუნქტით გათვალისწინებული გარემოებებით ან მთავრობის ან/და რომელიმე სახელმწიფო ხელისუფლების ორგანოს არამართლზომიერი ქმედებით.

4. პროექტის ხარჯები

პროექტის განხორციელებასთან დაკავშირებულ ხარჯებს სრულად გაიღებს კომპანია.

5. მემორანდუმის მოქმედება და მისი ვადაზე ადრე შეწყვეტა

5.1. ურთიერთგაგების მემორანდუმი ძალაში შედის მისი ხელმოწერის მომენტიდან და მოქმედებს 15 წლის განმავლობაში.

5.2 ურთიერთგაგების მემორანდუმის მოქმედება შესაძლებელია შეწყვეტილ იქნას 3.8. და 3.9 პუნქტების შესაბამისად.

6. ფორს-მაჟორი

6.1. წინამდებარე მემორანდუმისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან. ასეთი გარემოებებია: ომი, სტიქიური მოვლენები, ეპიდემია, კარანტინი და მხარეებისგან დამოუკიდებელი სხვა მსგავსი შემთხვევები, რომლებიც უშუალო გავლენას ახდენენ მხარეთა მიერ მათი ვალდებულებების შესრულებაზე.

6.2. რომელიმე მხარის მიერ წინამდებარე მემორანდუმის პირობების შეუსრულებლობა არ ჩაითვლება ამ მხარის მიერ ვალდებულების დარღვევად თუ შეუსრულებლობა არის ფორს-მაჟორული გარემოების შედეგი.

7. ცვლილებების და დამატებების შეტანა

ურთიერთგაგების მემორანდუმში მხარეთა წერილობითი შეთანხმებით შესაძლებელია ცვლილებებისა და დამატებების შეტანა. თუ აღნიშნული ურთიერთგაგების მემორანდუმის ნებისმიერი პირობა აღმოჩნდება გამოიყენებადი ან იურიდიულად ძალადაკარგული, ამ შემთხვევაში სხვა პირობები კვლავ ძალაში იქნება.

8. შეტყობინებები

მემორანდუმის ფარგლებში მხარეთა მიერ გაგზავნილი კორესპონდენციები შედგენილ უნდა იქნეს წერილობით და გაიგზავნოს ფოსტის, კურიერის ან ფაქსის (ორიგინალის შემდგომი წარმოდგენით) მეშვეობით. შეტყობინება ძალაში შედის ადრესატის მიერ შისი მიღებისთანავე.

9. გამოყენებული სამართალი და დავების განხილვა

9.1. მემორანდუმი დადებულია საქართველოს კანონმდებლობის მიხედვით.

9.2. მხარეები თანხმდებიან, რომ წინამდებარე მემორანდუმის პირობებს განუხრელად დაიცავენ, ხოლო დავის შემთხვევაში ეცდებიან საკითხი მოაგვარონ მოლაპარაკების გზით. შეთანხმების მიუღწევლობის შემთხვევაში ამ მემორანდუმიდან გამომდინარე ყველა დავა განსახილველად და გადასაწყვეტად გადაეცემა საქართველოს საერთო სასამართლოებს, რომლებიც დავას განიხილავენ საქართველოს კანონმდებლობით დადგენილი წესით.

10. ასლები, მემორანდუმის ენა

მემორანდუმი შედგენილია ქართულ ენაზე.

ხელმოწერილია:

საქართველოს მთავრობის სახელით

ვახტანგ ბათავაძე

ხელმოწერილია:

სს „ელექტროენერგეტიკული სისტემის

კომერციული ოპერატორი“-ს სახელით

ოთხნა მილორავა

ხელმოწერილია:

შპს „ALTER ENERGY“-ს სახელით

რამაზ ქათამაძე



2

დანართი №1

ადგილმდებარება/ნიშნულები

Nº	სახელმწიფო მდგრადი	რეგიონი, მდინარე
1.	ოქროპილაური ჰესი	აჭარა, შუახევი, მდინარე ტბილისწყალი. ნიშნული: ზედა ზედის ნიშნული - 482 ნიშნული - 412
2	გოგინაური ჰესი	აჭარა, შუახევი, მდინარე მთაწლის წყალი . ნიშნულები: ზედა ზედის ნიშნული - 779 ქვედა ზედის ნიშნული - 700

2

დანართი №2

სიმძლავრე

№	მოლანი სიმძლავრე მგვტ.
1.	ოქროპილაური ჰექსი 1,8 მგვტ
2	გოგინაური ჰექსი 1,8 მგვტ

13

დანართი №3

ინკუსტიკის მოცულობა

№	სახელწოლება	ინკუსტიკის ღიენობა აუზ დოლარი
1.	ლერნაპლატინი ჰექს	2 600 000
2	გოგინიური ჰექსი	


მშენებლობის ნებართვის აღვენის, მშენებლობის დაწყებისა და ექსპლუატაციაში გაშევის ვალა

N	სახელმოღვა	სამშენებლო სამუშაოების დაწყების ვალა	მშენებლობის დასრულების ვალა	კესლოუატაციაში გაშევის ვალა
1.	ოქროპილაური ჰესი	01.09.2012	01.05.2014	01.10.2014
2	გოგინაური ჰესი	01.9.2012	01.05.2014	01.10.2014

✓

ტელიური თიბმოქმედი ტექნიკური სისტემები


Nº	სახელმწიფო აღმოჩენის მინიჭებულებები	შპოტი გამოცვლების მიზნის აღმოჩენის მინიჭებულებები
1.	ოქროპილიანი ჰერი	9,4
2	გავინარი ჰერი	9,3





სს "ელექტრონერგეტიკული სისტემის კომერციული ოპერატორი"
Electricity System Commercial Operator JSC

03.08.2012 № 01/753



საქართველოს ენერგეტიკისა და ბუნებრივი რესურსების
მინისტრის პირველ მოადგილის
ქალბატონი მ. ჯალიშვილს

ქალბატონო მართვა,

საქართველოს ენერგეტიკისა და ბუნებრივი რესურსების სამინისტროს 2012 წლის 2 აგვისტოს #02/1419 წერილის პასუხად გაცნობებთ, რომ საქართველოს მთავრობას, სს "ელექტრონერგეტიკული სისტემის კომერციული ოპერატორისა" და შპს „ALTER ENERGY“-ს შორის დასადები ურთიერთგავეზის მემორანდუმის მიხედვით დაკავშირდებია, შენიშვნები არ გავაჩინა.


პატივისცემით,
განერალური დირექტორი
მოვალეობის შემსრულებელი

გ. ამაშუკელი

საქართველო, თბილისი, 0114, პარმაშვილის ქ. 2
ტელეფონი: 2401420; ფაქსი: 2601915
office@esco.ge; www.esco.ge

2 Boratashvili Str., 0114 Tbilisi, Georgia
Phone: +995 32 2401420; Fax: +995 32 2601915
www.esco.ge; office@esco.ge

რეგისტრირებულია ქ. თბილისის სისამაგალითი მინისტრის მიერ 07.06.2006; საიდ. კოდი: 205170036
Registered by Tbilisi Tax Inspectorate on 07.06.2006; ID CODE 205170036



საქართველოს მთავრობის

გაცემის გენერალური


N 1343 2012 წლის 13 օქტომბერი

ოქროპილაურის და გოგინაურის ჰესების მშენებლობის,
ფლობისა და ოპერირების შესახებ ინტერესთა
გამოხატვის თაობაზე

1. მოწოდებულ იქნეს შპს „Alter Energy“-ს მიერ ოქროპილაურის და გოგინაურის ჰესების მშენებლობის, ფლობისა და ოპერირების შესახებ ინტერესთა გამოხატვის თაობაზე წარმოდგენილი განაცხადი.
2. საქართველოს ენერგეტიკისა და მუნიციპალიტეტის სამინისტრომ სამი თვის ვადაში უზრუნველყოს სათანადო მემორანდუმის პროცესის წარმოდგენა.

პრეზიდენტის მინისტრი





საქართველოს მთავრობის

**განცემულია
№1648 2012 წლის 27 აგვისტო ქ. თბილისი**

საქართველოს მთავრობას, სს „ელექტროენერგეტიკული
სისტემის კომერციულ ოპერატორსა“ და შპს „ALTER ENERGY“-ს
შორის დასადები ურთიერთგაგების მემორანდუმის თაობაზე

1. მოწონებულ იქნეს საქართველოს მთავრობას, სს „ელექტროენერგეტიკული სისტემის კომერციულ ოპერატორსა“ და შპს „ALTER ENERGY“-ს შორის დასადები ურთიერთგაგების მემორანდუმის პროექტი.
2. „საქართველოს მთავრობის სტრუქტურის, უფლებამოსილებისა
და საქმიანობის წესის შესახებ“ საქართველოს კანონის 27-ე მუხლის
შესაბამისად, მემორანდუმს საქართველოს მთავრობის სახელით ხელი
მოაწეროს საქართველოს ენერგეტიკისა და ბუნებრივი რესურსების
მინისტრმა ვასტანგ ბალავაძემ.

პრემიერ-მინისტრი

გამოყენებულია კლეიტონული
სკომინერა

ივანე მერაბიშვილი

